

MEP TA BAY VIOLA PETICION DI ASOMA

ORANJESTAD (AAN): DIARIO a ricibi reaccion di musiconan Arubano, kendenan a mustra cu ASOMA ta haciendo tur nan posible pa defende musiconan, den e sentido cu e musiconan ta bin prome cu esnan di exterior.

E asociacion a manda un carta pa Ministro Presidente pa no permiti orquestanan di exterior duna presentacion na Aruba for di 15 di December en adelante. Posteriormente a yega na un acuerdo pa no permiti banda di exterior bin Aruba pa duna presentacion na e actividadnan social politico, esta cu envez di paga sumanan astronomico na e stranheronan, por duna e placa aki na nos mes hendenan.

"Tur politico ta bisa cu nan ta bringa pa e pueblo, pero nan ta lubida cu tur e musiconan tambe ta forma parti di e pueblo votador," un musico a declara na DIARIO.

Pa colmo, ASOMO a aproba pa Doble R bin Aruba pa duna un presentacion publico, pero awor ta tende promo na radio cu nan ta bay actua durante evento di MEP na San Nicolas.

"Tur esaki a sosode despues di dia 28 di November, cu Presidente di Asoma personalmente a pasa na cas di Felix Flanegien, yama na porta

varios biaha, pero sin contesta y Jeand'or a pone e carta aki den mailbox, y e mesun fecha e otro partidonan tambe a ricibi e carta aki."

E musiconan a indica cu MEP ta mustrandu un falta di respet na e musiconan Arubano y Asociacion ASOMA.

Diario. - (10 december 1992)